

اقتصادیات

نومبر ۱۷

پنجشنبہ

۷ کانون ثانی ۱۳۲۴

و بوجه تدریس متولد مسائل « معاهد آئین » که از اوزون و اهمیت بی محثری تشکیل
ایده جکدر .

۱۱۵۳ معاهده سنده یالکز بعض احکام متفرقه قالدی که انلری ده کله جک

ابن الضیا

مقاله مه بر اقورم . —

(قانون جزایه دائر مطالعه)

چکنی مقاله مزده قانون جزانک بعض موادی حقننده مطالعات وافکار
عاجزی سرد ایداش اولدیغندن بودفعده تعدیه شایان کوریشان مواد مهمه
سارمه سی حقننده کی مطالعات قاصرانم بروجه زیر تمید اولور .

قانون جزانک . — یوز طقسان ایکنجی ماده سنده بر کیمسه ضرب و یاخود
سار کونا بر فعل ایله بر حامل خانونک اسقاط جنین ایلمسنه سبب اولورسه
دیت شرعیسی بعد الاستیفا اگر بوتعدیسی عن قصد وقوع بولمش ایسه موقه
کورکه قونیلور دیه مسطور بولسان احکام قانونیه نک تدقیق ایچون ایکی نقطه
نظردن مطالعه العیه النسی اقتضا ایدر . اولاً شرعاً بر حامله خانونک حملی قاج
آیلق اولدینی حالده جنین اطلاق اولنه جنی وهنوز حامله اولان بر خانونک
سقط وقوعنده اسقاط جنین عد اولنوب اولنمه جنی ثانیاً قصدک اسقاط جنین
ویاخود ضرب ماده لرندن هانکیسنه شمولی اوله جنی خصوصاً تنک تفریق و تمیزی
یک قولای بر مسئله دکدر . قانونده مسئله یک بحمل صورتده یازمش اولدیغندن
برایلق و اون بش کونلک بر حامله خانونک دخی اسقاط جنین استدرمش اولسه
بوماده یه توفیقاً تعیین جزا لازم کله جکی کی اکلا شلمقده و اکثر محاکمده بصورتیه
ایفای معامله ایتمکده بولمشلردر .

حالبوکه شرعاً بر خانونک حملی اوج درت آیلق اوله رق مسببتین الحلقه اولدینی
تحقق و تعیین ایتمکجه جنین تعبیر اولنوب انک حقننده شرعاً بر احکام جریان
ایتمدیکی وقانونده جنین تعبیری بولنسنه نظراً بوکی حامل خانونلرک ضرباً سقط
وقوعنده اسقاط جنین ایتمش نظریله باقیله میه جنی جهته اشبو مجازات قانونیه نک

تعیینی محق و مشروع اوله میهنی جای اشتباه دکل ایکن قانونک نقصانیتندن
 ناشی و مسئلهیه عدم وقوفیت ملاپسه سیله بعض محاکم حاکم درجهسی تعیین
 ایتدیرلمکسزین و بونقطه مهمه نظر اعتنایه انیهرق بوماده قانونیهیه توفیقاً تعیین
 مجازات ایدلمکدهدر . قصد مسئلهسنه کلنجه ضرب فعلی ذاتاً بر تعدی اولوب
 بو تعدینک اجرایی قصده مقرون اوله جنی شهسز اولدیغندن قانونک تحری
 ایتدیکی قصد اسقاط جنین نقطه سنه معطوف اولوب ضاربک حامله بر خاونی ضرب
 اتمسی مجرد اسقاط جنین ایتدیرمک مقصدینه مقارن اولسی لازم کله چکی
 اکلانلمقدهدر مسئلهنک تطبیقآنسده حادثه نک مقصد قانونه موافق اوله رق
 ظهوری پک اندر وقوعبولمقده حالبوکه ضرباً اسقاط جنین جرائمی کثرته
 وقوعیافته اولمقدهدر و بعض محاکم اربابی ضاربک بر خاونک حامله اولدینی معلومی
 اولسی و یا خود او خاونک انشای ضربنده بن حامله یم دیمسی اوزرینه تکرار
 ضرب وقوعبولورایسه اشته بوضرب اسقاط جنین مقصدینه رعنا بر دلیلدر
 دیبورلرایسده بواجتهاد عبارة قانیه نک طرز بیانیه پک توافقی ایتمکده اولمغله
 برابر ضاربک مضروبیه نک حامله اولدینی بیلیمسی اسقاط جنین مقصدیه ضرب
 ایتدیکنه دلیل اوله ماز تهور نتیجهسی اولان بر ضربک وقوعنده ضارب
 اسقاط جنین وقوعنی حساب ایدمیز و حامله خاونک سوبیلیمسیده افهام حقیقه
 کفایت اتمز و ذاتاً ضاربک مقصدی آنجق او خاونی ضرب ایتمکدر منازعه
 و تهور بوکا برهان جلیدر حامله خاون ضاربک اقر باندن اولدینی ایچون اسقاط
 جنین ایدوب ایتماسی انک ایچون مطلوب دکدر اشته مطالعات مسرودهیه نظراً
 عبارة قانونیهده مندرج قصد کله سی ضربه عطف اتمک موافق مصلحت
 اوله جنی زیراً عکسی حال وقوعنده بوماده نک تطبیقاتی هیچ بر وقت میسر
 اوله میهنی موجب بحث اولسه کرکدر نظریات جزاده بعض قاعدهلر و نظریهلر
 کورلمشدرکه تطبیقآنسده کورینان مشکلات قابل تعداد دکدر مثلاً (قصد)
 خصوصنده قصد معین قصد و غیر معین اوله رق ایکی قسمه تفریق ایدلمش ، قصد غیر معین
 ایچون عینی قصد معین کی مستلزم مجازات اوله جنی کوسترلشدر بر شمند و فری

یولدن چیقاران کیمسه نك قصدی غیر معین اولمق اعتباریله ظهور ایدن نتیجه سندن بلذات اوفعلی ایشلمش کی مجازات کورمسی لازم کله چیکی ایراد اولمشدر مادامکه افعال بشر قصده مقرون اولوب اولماق نقطه سته منحصر واحکام شرعیه وقانونده بونک اوزرینه مؤسدر قصدک حدودی خارجنده قلان افعالك دخی بلا قصد ایشلمش کی باقیمسی لازم کله چیکی شیمه معدله موافق اولور ظن ایدرم بناء علیه ماده مذکور نك تعدیل واصلاحی ایشاندنه مدت حملک نظر اعتنایه النسی واسقاط جنینه سبب مفضی اولان ضربک قصداً و بغیر قصد ایقاعی اعتباریله تعیین مجازات ایدلمسی عدالت نقطه سندن پک مهم مسئله در ۱۹۳ نجی ماده ده برحامله خاتونک اسقاط جنینی ایچون علاج ایچیرنلر میاننده دو قور جراح واجزاجی ذکر ایدلدیکی حالده اک مهمی اولان قابله نك ذکر ایدلمسی شایان تعجبدر کرچه محکمه تمیز قابله نك بومیانده بواجهنی بواننده ماده مذکورده نی تفسیر ایتمش ایسه ده محکمه تمیزک بو تفسیری صراحت قانونیه قارشوسنده بولنمان برفعله جزا ترتیبی موافق معدلت اوله میه جفته نظراً محق و بحا دکلددر قانون جزا من فرانسه قانونندن مقتبس اولدیغندن بویله نقصانلر ظهوری طیبه در ۱۹۷ نجی ماده شمده یه قدر تطبیق ایدن بحق محروم قالمش بر ماده در بوماده نك قانوندن طی ایدلمسی یاخود صبی اولان بر جوجفه فعل شذیع اجراسنک جبر طبیعی عد اولنه جنی یولنده اصلاحی الزمدر حالبوکه قانون جزا نك نشری نارینندن برو اطفال صبیانه وقوع بولان تعدیاته قارشو ۱۹۸ نجی ماده موجبنه تعیین مجازات اولمقده ایدی که بوده صراحت قانونیه قارشو اولوب بالکنز بر تذکره علیه مستنداً محاکم بویولده اعطای حکم ایتمکده درلر . شرعاً ذم و قذف دیمک اولان افترا حقنده مجازات قانونیه نی متضمن بولنان ۲۱۳ نجی ماده قانونیه نك اصلاحی اک شدید بر احتیاج مرتبه سنده در مذکور ماده قانونیه نك مجازاتی اغیروشدید اولدیغندن موافق عدالت دکلددر محکمه لر بواسبابه مبنی ماده مذکور نك تطبیق ایدن احتراز ایتمکده لر در . مذکور ماده هم مفتری حقنده پک شدید جزا تعیین ایتمکله برابر هم مفتریله بسبتون مجازاتدن

مصون قلمی اسبابی تأمین ایدیور حکومت اخبار وقوعات ودعوی حقوق ایتک بوقاعده دن مستشار دیور حالبوکه بویکیت اصول محاکمه نك بعض احکامه معیار دوشمکه برابر قاعده عدل و دادك بر نقطه سنه مطابق کلیور . مفتی اکر افتراضی حکومت ابلاغ ایتزایسه کندیسو ایچون بر منفعت حصوله کلاز اجرای غرضه موفق اوله ماز مفتی نك مقصدی افترا ایدجکی کیمسه یه اذواجفادر بوده انجق حکومت اخبار ایله اوله ییلور بویله بر کیفیت بوقاعده دن فصل مستثنا طوتیلور بر کیمسه ایشله مدیکی بر فعلی ایشلمش کبی نصورتله مجازات کورر ؟ افترا دن عبارت اولان اخبار وشکایت مشروع و محق اوله ییلور می ؟ اوله میه جنی اظهار من الشمسدر افترا نك در جاسی نسبتنده بر جزای عادلانه وضع ایدلمی و حکومت اولسون اخبار وشکایت واقعه نك غرضدن منبعث اولدینی بین ایتدیکی حالده مستلزم مسئولیت اوله جفته دار ماده مذکور نك تعدیل و اصلاحی اقدام وظائفدر :

قسطه ونی مدعی عمومی معاونی

کمال مختار

مجلس مبعوثان مذاکراتی

۱

قاینه نك بیاناتی حقنده بعض مطالعات

قاینه نك سیاست داخلیه و خارجیه سی حقنده ۳۱ کانون ثانی سنه ۳۲۴ تاریخ نك مبعوثانده واقع اولان بیاناتی مشروطیت اداره نك ایلك دفعه سنی تشکیل ایتک اعتبار ایله مهم و برجوق نقاط نظردن تدقیق و مطالعه یه شایاندر حکومت برنجی دفعه اوله رق اجرات سابقه و آتیسه سندن حس مسئولیتله بحث ایدرك ملت طالع و مقدرات نك بعدما ایدای مسئولیه مودوع اولدینی و حقوق و منافع مشروعه سنك یازیمجه هوسات و احتراصات اوله میه جنی تأمینانسه مالک اولیوردی بوندن بشقه انقلاب مسعودی متعاقب حادث اولان بعض مشکلات داخلیه و بحران